



Adroddiad i'r:	Bwrdd Gwasanaethau Cyhoeddus Conwy a Sir Ddinbych
Dyddiad y Cyfarfod:	30 Tachwedd, 2022
Aelod/Swyddog Arweiniol:	Y Cyng. Jason McLellan, Arweinydd Cyngor Sir Ddinbych a chadeirydd BGC
Awduron yr Adroddiad:	Iolo McGregor, Arweinydd Tîm Cynllunio Strategol a Pherfformiad, Cyngor Sir Ddinbych
Teitl:	Cynllun Lles BGC Conwy a Sir Ddinbych, 2023 i 2028

1. Am beth mae'r adroddiad yn sôn?

- 1.1 Mae'r adroddiad yn cyflwyno Cynllun Lles Bwrdd Gwasanaethau Cyhoeddus Conwy a Sir Ddinbych 2023 i 2028.

2. Beth yw'r rheswm dros wneud yr adroddiad hwn?

- 2.1 Cael adborth o'r ymgynghoriad ar y Cynllun Lles drafft 2023 i 2028 a cheisio, cyn unrhyw addasiadau, cymeradwyaeth o'r fersiwn derfynol i alluogi sefydliadau partner i roi eu cadarnhad rhwng Rhagfyr a Mawrth, cyn mabwysiadu gan y BGC ym Mawrth 23.

3. Beth yw'r Argymhellion?

- 3.1 Bod aelodau'n ystyried yr adborth a gafwyd o'r ymgynghoriad (atodiad 3 i 5) a chynnwys yr adroddiad drafft (atodiad 1) a'r Aseiad o'r Effaith ar Les (atodiad 2); a
- 3.2 Cyn unrhyw addasiadau sy'n codi o'r drafodaeth, cymeradwyo'r Cynllun Lles drafft i'w gadarnhau gan sefydliadau unigol rhwng nawr a Mawrth 23.

- 3.3 Cytuno bod y Cynllun Lles drafft ar gael ar wefan y BGC ar gyfer 'gwiriad synnwyr' terfynol a gwahodd budd-ddeiliad i gysylltu os ydynt eisiau cymryd rhan yn, neu roi adborth ar unrhyw agwedd ar y Cynllun.

4. Manylion yr adroddiad

- 4.1 Mae Deddf Lles Cenedlaethau'r Dyfodol (Cymru) 2015 yn gosod gofyniad statudol ar bob Bwrdd Gwasanaethau Cyhoeddus i gynhyrchu Cynllun Lles Lleol ar gyfer eu hardal. Rhaid i'r Cynllun Lles Lleol nodi sut mae'r Bwrdd Gwasanaethau Cyhoeddus yn bwriadu gwella elfennau economaidd, cymdeithasol, amgylcheddol a lles diwylliannol ei ardal, drwy osod amcanion lleol a fydd yn gwneud y gorau o'r cyfraniad a wneir gan y bwrdd i gyflawni nodau lles yn ei ardal. Rhaid cyhoeddi'r Cynllun Lles Lleol cyn pen blwyddyn ar ôl cyhoeddi'r Asesiad Lles. Felly, rydym yn gweithio tuag at ddydiad cau arfaethedig o Fawrth / Ebrill 2023 ar gyfer cyhoeddi'r Cynllun Lles Lleol.
- 4.2 Gydag arweiniad yr [Asesiad Lles](#), mae'r BGC wedi cynnal nifer o drafodaethau blaenoriaethu (yn Ionawr, Mawrth a Mai) gyda chefnogaeth Rhwydwaith Cyd-gynhyrchu Cymru, i ystyried pa feysydd o bryder fyddai'n elwa fwyaf o ymyrraeth y BGC. Roedd y trafodaethau hyn yn ceisio adnabod achosion y problemau a ganfuwyd yn yr asesiad, gan ystyried eu perthynas â'i gilydd a lefel y dylanwad neu reolaeth sydd gan y BGC. Yn olaf, cytunwyd y dylid rhoi un prif thema ymlaen sy'n ceisio lliniaru amddifadedd ac anghydraddoldeb.
- 4.3 Bu i'r BGC gwrdd eto ym mis Gorffennaf a chytuno ar amlinelliad Cynllun sy'n ceisio gwneud Conwy a Sir Ddinbych yn le mwy cyfartal gyda llai o amddifadedd. Yna cyhoeddwyd ymgynghoriad cyhoeddus ar 17 Awst, a bydd yn para tan 9 Tachwedd. Ar yr un pryd rydym wedi cychwyn y cyfnod o 14 wythnos ble mae'n rhaid i Gomisiynydd Llesiant Cenedlaethau'r Dyfodol ddarparu adborth ar ein cynllun drafft, ac mae'r sgysiau hynny wedi bod yn digwydd rhwng swyddogion. Mae'r ymgynghoriad cyhoeddus ar [wefan y BGC](#).
- 4.4 Mae gwaith wedi bod yn digwydd dros y tri mis diwethaf i ddatblygu'r Cynllun yn seiliedig ar yr adborth a gafwyd a'r wybodaeth sydd wedi dod â ni at y pwynt hwn. Rydym wedi cyfarfod ddwywaith gyda chynrychiolydd Comisiynydd Llesiant Cenedlaethau'r Dyfodol, i drafod eu hadborth ar y Cynllun, mae'r fersiwn derfynol ohono yn atodiad 4. Mae swyddogion cefnogi BGC hefyd wedi cwrdd ddwywaith i

ddatblygu'r Cynllun a thrafod adborth o'r ymgynghoriad (crynodeb yn atodiad 5), gan gynnwys ymateb manwl gan bartneriaid yng Nghyfoeth Naturiol Cymru (atodiad 3). Y drafft a gyflwynir yn atodiad 1 yw penllanw'r gwaith hwn. Teimlir ei fod yn ddrafft cryf sy'n cynrychioli buddiannau partneriaid yn dda a gobeithio yn dal hanfod beth mae'r BGC eisiau ei gyflawni.

- 4.5 Cyn unrhyw addasiadau ac yn dilyn cymeradwyaeth y BGC o'r drafft ar 30 Tachwedd, bydd angen i sefydliadau aelodau unigol gadarnhau'r Cynllun yn ystod y gaeaf trwy eu sianeli cymeradwyo a ddewiswyd. Rydym yn sicr fod y trefniadau ar gyfer hyn yn eu lle, a fydd yna'n galluogi'r BGC i fabwysiadu eu Cynllun Lles yn ffurfiol ym Mawrth 2023.
- 4.6 Yn y cyfamser, cynigir ein bod unwaith eto yn rhoi'r Cynllun Lles drafft ar wefan y BGC i wahodd budd-ddeiliad i gysylltu â ni os ydynt eisiau cymryd rhan yn, neu ddarparu adborth ar unrhyw agwedd ar ei gyflwyno. Byddai hefyd yn ymarfer da yn ystod y cyfnod hwn i ddangos beth yw'r sefyllfa yn dilyn y rownd ddiweddaraf o ymgynghori, ac i ddangos sut rydym wedi gwrandao ar yr adborth a gafwyd hyd yma.

5. Pa ymgynghoriadau sydd wedi'u cynnal gyda Chraffu ac eraill?

- 5.1 Mae'r Cynllun Lles yn seiliedig ar y dystiolaeth o'r Asesiad Lles, sydd wedi bod yn destun ymgysylltiad cyhoeddus trwy gydol mis Chwefror a Mawrth 2022. Yn ogystal â hyn, fe'i cyflwynwyd i Gydbwyllgor Trosolwg a Chraffu Conwy a Sir Ddinbych yn Chwefror. Mae dau weithdy a chyfarfod cyhoeddus o'r BGC wedi trafod canfyddiadau'r asesiad a blaenoriaethu themâu. Cefnogwyd y rhain gan Rwydwaith Cyd-gynhyrchu Cymru.
- 5.2 Cynhaliwyd ymgynghoriad ar y cynllun drafft rhwng 17 Awst a 9 Tachwedd 2022. Yn ystod y cyfnod hwn, cynhaliwyd trafodaethau gyda Swyddfa Comisiynydd Llesiant Cenedlaethau'r Dyfodol, yn cefnogi swyddogion ac aelodau'r BGC a'r cydbwyllgor Craffu.

6. Sut mae'r penderfyniad yn cyfrannu at ein Hamcanion Lles?

- 6.1 Bydd Cynllun Lles 2023 i 2028 yn gosod amcanion lles BGC Conwy a Sir Ddinbych ar gyfer y 5 mlynedd nesaf.

7. Faint fydd hyn yn ei gostio a sut y bydd yn effeithio ar wasanaethau eraill?

- 7.1 Nid oes unrhyw gostau uniongyrchol yn codi o ganlyniad i'r Cynllun neu'r adroddiad hwn, er wrth ddatblygu rhywfaint o'i gamau, bydd y BGC angen asesu'r gofynion ar gyfer adnoddau a chapasiti.

8. Pa risgiau sydd ac a oes unrhyw beth y gallwn ei wneud i'w lleihau?

- 8.1 Mae risg y bydd gan y BGC ddiffyg dylanwad neu reolaeth o fewn yr amcanion a ddewisant. Bydd y risg hwn yn cael ei liniaru gan y BGC yn mabwysiadu dull arweinyddiaeth gan fod cydnabyddiaeth fod gan y BGC adnoddau cyfyngedig.
- 8.2. Mae risg fod blaenoriaethau'r BGC yn dyblygu'r gwaith sy'n digwydd mewn sefydliadau eraill. Felly mae'n bwysig gweithio'n agos gyda phartneriaid a budd-ddeiliaid i adnabod ble gall swyddogaeth arweinyddiaeth y BGC ychwanegu'r gwerth mwyaf.
- 8.3. Mae risg bod adborth gan y comisiynydd, partneriaid neu'r cyhoedd yn rhoi pwysau ar Gynllun Lles y BGC i gymryd mwy na'r hyn all ei gyflawni'n rhesymol.
- 8.4 Mae risg na fydd y Cynllun Lles yn barod i'w gymeradwyo gan y BGC ym Mawrth 2023, gan golli'r dyddiad cau statudol. Yn seiliedig ar gynnydd presennol, mae hyn yn annhebygol.

9. Pŵer i wneud y penderfyniad

- 9.1 Pennod 2, adran 39, Deddf Llesiant Cenedlaethau'r Dyfodol (Cymru) 2015
- 9.2 Cylch Gorchwyl Bwrdd Gwasanaethau Cyhoeddus Conwy a Sir Ddinbych.